

張仲景金匱要畧論方卷六

蜀北射洪許宗正星東合解

嘔吐噦下利病脈證第十七

夫嘔家有癰膿不可治嘔膿盡自愈

夫嘔者必由寒熱氣鬱逆胃中之氣而嘔今不因
他乃由口瘡肺癰出膿穢而嘔似此不可治嘔待
其膿盡瘡好則嘔自愈

先嘔却渴者此爲欲解先渴却嘔者爲水停心下此
屬飲家嘔家本渴今反不渴者心下有支飲故也此
屬支飲

病人先嘔後却渴者此胃中濁邪已隨飲去胃陽將復喜消納水穀故爲欲解若先因熱邪而渴飲後却嘔者爲水停心下而嘔故屬飲家又凡嘔家必傷胃中津液而作渴今嘔而反不渴者爲心下有支飲故也宜從支飲治之

問曰病人脈數數爲熱當消穀引飲而反吐者何也師曰以發其汗令陽微膈氣虛脈乃數數爲客熱不能消穀胃中虛冷故也脈絃者虛也胃氣無餘朝食暮吐變爲胃反寒在於上醫反下之令脈反絃故名曰虛

設問脈數爲熱當消穀引飲而反吐出水穀者何
也師言以過發汗令太陽之陽洩而虛微膈氣不
降爲鬱熱脈乃數也此數爲膈上之客熱不能消
穀以胃中虛冷故吐也若脈絃者土虛爲木氣所
乘也木乘則胃氣無餘朝食至暮而復吐出變爲
胃反此由寒在於上醫反下之令土氣傷而脈反
絃故名胃虛爲反胃之由也按寒在於上之上字
疑當作下

寸口脈微而數微則無氣無氣則營虛營虛則血不
足血不足則胸中冷

金匱要略卷六
兩手脈微而數微則衛虛而無氣無氣則不化血
而營虛營虛則血不足以充五藏藏無所實則胸
中之氣虛冷按無氣則營虛疑爲數則營虛之誤
跌陽脈浮而濇浮則爲虛濇則傷脾脾傷則不磨朝
食暮吐暮食朝吐宿穀不化名曰胃反脈緊而濇其
病難治

跌陽胃脈浮濇浮爲胃陽外洩而虛濇則濕氣傷
脾脾傷則水穀不磨朝食至暮復吐暮食至朝亦
然宿穀不化吐出名曰胃反土失冲和之氣則脈
緊而濇故難治

病人欲吐者不可下之

治病必順其情欲吐者宜因而越之不可下之以拂其勢

噦而腹滿視其前後知何部不利利之愈

此承上文而言治病不可執一如噦而腹滿噦在上而滿在中是下焦氣犯中州而逆於上也當求其下雖視其下之前後二陰何部不利以藥利之必愈又不可拘於欲吐不可下之之例也按噦爲胃逆而求諸二便何也以腎開竅於二便腎爲胃之關二便利則腎氣通腎氣通則胃氣降而噦滿

自愈

嘔而胸滿者吳茱萸湯主之

厥陰木氣上衝則胃氣逆而作嘔陰乘陽位則胸滿故以吳茱萸湯溫厥陰之氣以安胃氣

吳茱萸湯方

吳茱萸

一升

人參

三兩

生薑

六兩

大棗

十二枚

右四味以水五升煮取三升溫服七合日三服歌

見傷寒論

乾嘔吐涎沫頭痛者吳茱萸湯主之

厥陰寒氣上衝則乾嘔土被木乘而氣逆則吐涎

沫陰乘於陽則頭痛亦宜此湯

嘔而腸鳴心下痞者半夏瀉心湯主之

君火之氣鬱於上則嘔而心下痞寒水之氣逆於下則下焦虛冷而腸鳴法當旋轉中州令上下交通而愈故以芩連降君火之鬱熱乾薑溫土以治腸鳴參甘大棗旋轉中氣半夏啟陰降逆止嘔而交通上下也

半夏瀉心湯方

半夏

半升

黃芩

乾薑

人參

甘草

各三兩

黃連

一兩

大棗

十二枚

右七味以水一斗煮取六升去渣再煎取三升溫

服一升日三服

歌見傷寒論

乾嘔而利者黃芩加半夏生薑湯主之

少陽熱鬱則乾嘔陽明太陰濕熱交蒸則下利故以此湯解熱和脾胃而嘔利自止焉

黃芩加半夏生薑湯方

黃芩

生薑

各三兩

甘草

二兩

芍藥

一兩

半夏

半升

大棗

十二枚

右六味以水一斗煮取三升去渣溫服一升日再

夜一服

歌解載傷論

諸嘔吐穀不得下者小半夏湯主之

諸凡嘔吐食穀不得下者此寒飲踞於胃脘以半夏滌飲而降逆生薑散寒以治嘔也按食已而吐吐出仍食之香臭者熱也宜黃草湯若食已而吐吐出食即酸冷者寒也宜此湯及吳茱萸湯

小半夏湯方

見痰飲

嘔吐而病在膈上後思水者解急與之思水者猪苓散主之

病在膈上嘔吐之不爲逆也嘔後思水者是胃陽將復而喜消納也故解宜急少少與飲之以和胃

氣思水者雖防飲復聚於膈上宜與豬茯苓導水下
行白朮補土防其泛溢飲服調中以益胃也

豬苓散方

豬苓

茯苓

白朮

各等分

右三味杵爲散飲服方寸匕日三服

歌豬苓散內朮苓猪等分杵之飲服扶利水和脾
安嘔吐飲除思水妙無如

嘔而脈弱小便復利身有微熱見厥者難治四逆湯
主之

嘔而脈弱是陽衰而陰氣上逆小便復利是下焦

無火身有微熱是孤陽外越見厥者是眞陽不能
達於四末也爲難治以四逆湯溫脾腎之陽則厥
嘔自愈

四逆湯方

附子

一枚
生用

乾薑

半兩

甘草

二兩

右三味以水三升煮取一升二合去渣分溫再服
強人可大附子一枚乾薑三兩

歌解見傷寒論

嘔而發熱者小柴胡湯主之

嘔而發熱者少陽木火之氣動也以小柴胡湯和
之

小胡湯方

柴胡

八兩

半夏

半升

黃芩

人參

甘草

生薑

各三兩

大棗

十二枚

右七味以水一斗煮取六升去渣再煎取三升溫

服一升日三服

歌解見傷寒論

胃反嘔吐者大半夏湯主之

衝脈麗於胃衝氣逆致胃反嘔吐者以半夏降其衝逆參蜜補吐後既亡之津液水揚之而久煎者令水性溫柔服之與胃相得不致復吐出也

大半夏湯方

半夏

二升

人參

三兩

白蜜

一升

右三味以水一斗二升和蜜揚之二百四十遍煮藥取二升半溫服一升餘分再服

歌

大半夏湯三兩參蜜升夏倍甘瀾成鎮衝降逆

諸方祖胃反嘔頻虛痞欣

食已卽吐者大黃甘草湯主之

胃中熱積不能下行食已則兩熱相衝而卽吐出以大黃洩其熱淫甘草以安胃氣則熱不上衝而吐自愈

大黃甘草湯方

金匱要略卷六
大黃

四兩

甘草

二兩

右二味以水三升煮取一升分溫再服

歌曰大黃甘草合爲方二草四黃水煮嘗胃熱上衝

食卽吐或將二味蜜丸良

胃反吐而渴欲飲水者茯苓澤瀉湯主之

胃陽虛則水蓄而胃反吐後則津液傷故渴欲飲
水然吐後胃虛飲必復蓄故以苓澤引水下行朮
草補土以制之薑桂扶陽化氣則胃中升降不失
而愈

茯苓澤瀉方

茯苓

半觔

澤瀉

四兩

甘草

桂枝

各二兩

白朮

三兩

生薑

四兩

右六味以水一斗煮取三升內澤瀉再煮取二升

半溫服八合日三服

歌曰茯苓澤瀉轉脾輸二兩桂枝八茯儲三朮四薑

澤後煮嘔而多渴立能除

吐後渴欲得水而貪飲者蚊蛤湯主之兼主微風脈

緊頭痛

陽明有邪而作吐吐後胃乾邪從燥化致渴欲得水而貪飲不止者以蚊蛤石膏降熱而清燥麻薑

杏仁散邪以達表草棗和中以調餘事主微風脈
緊頭痛者以風爲陽邪治宜辛涼之法也

蚊蛤湯方

蚊蛤

石膏

各五兩

麻黃

甘草

生薑

各三兩

杏仁

五十粒

大棗

十二枚

右七味以水六升煮取二升溫服一升汗出卽愈

歌解見傷寒論

乾嘔吐逆吐涎沫半夏乾薑散主之

胃氣寒則濁陰上逆而乾嘔吐涎沫故以乾薑散

寒半夏降逆漿水煎之以和中也